

ОЛОНИИТЭДЭ ОЙЛГУУЛХА, ДЭЛГЭРҮҮЛХЭ

жэлэй саана хамгаалха хуулинуудыг хэзагайруулхан ушарнууд али олон дайралдаа. Жэшээлбэл, Орешково нууригда үмсын гэрнүүдые барихын тула ой модон гамгүй отологдожо байханаа, городов ахамад архитектор П.Г.Зильбермантэй энэ асуудал гуримшуулагдаба. Дивизионно станциин сэрэгэй часть ой модон соо хорото бодос адхажа байханаа, хэрэгын сэрэгэй прокуратурада дамжуулагдаа. Акционернэ "Бурятвотрцветмет" бүлгэмдэ бүдүүлг хэзагайруулганууд ушараад, хэрэгүүдын районуд хоорондын прокуратурада эльгээгдээ.

Иимэ хэмжээнүүд олоор абтахан ааб даа. Хүдөө нютагуудай эдэбхитэдые нэрлэмээр. Хориин аймагай Майлын хургуулиин хурагнад голы эрье сэрбэрлэжэ, модо нуулгаа. Загарайн аймагай "Дружба" совхозой коллектив Галсановка, Шэбэр, Шулуута горхонуудай эрье болбосон түхэлтэй болгобо. Республикын экологио-биологическа түбэй хурагнад Котокель нуурай захаар уһанай нөөсэ хамгаалха тэмдэгүүдые тодохон, эрьешнь сэрбэрлэхэн байна. Мухар-Шэбэрэй аймагай Ленинэй нэрэмжэтэ колхоз, Баргажанай уһалууриин түхээрлэгэнүүдэй управлени, Захааминай аймагай гаряшанай ажахыннуудай "Хамни" эблэл, Загарайн аймагай "Бэхи ажал" гэһэн фермерскэ ажахы, Шулуутайн леспромхоз оршон тойронхиюе арыудхана хэрэгтэ өөһэд өөһэдн хубитана оруулаа. хургуулинуудай үүргэ тон ехэ. Нёдондо жэгүүртэниие хамгаалха талаар хүдэмэри ябуулхан 16 хургуули шагналнуудта хүртөө хэн.

Нүүлэй табан жэлэй туршада модо тариха хүдэмэри 2 дахин шахуу хороогдоо. Жэл бүри энэ хугасаада ой модон соо 1062 дахин түймэр носоо юм. 1995

ондо 8 мянган гектар талмай-да модон отологдохон наа, 90 мянган гектарта носохон байна. Ушар иимэхээ ойи түймэрнүүдхэ хэргылхэ гэшэ гол хүдэмэримнай болоно. Манай бүлгэм районно соведуудээр дамжуулан, хуури, предприятти бүхэндэ ой модонной харууһанай талаар ниитын инспекторнүүдэй бүлэгүүдые байгуулаа. Эдэнэр лесхозуудай хүдэмэрилэгшэдтэй саг үргэлжын харилсаатай байха, ниитэ зониие түймэр унтараалгада элсүүлхэ аргатай.

Гэхэхэ гадна экологическа аюулһаа хамгаалгын Бүхэророссин үдөрнүүдтэ зориулагдаһан хэмжээ ябуулга 50 үдэр үргэлжэлдэг юм. Түхэнэй, Хяагтын, Хойто-Байгалай, Загарайн, Октябрьска, Железнодорожно, Советскэ районууд энэ акцида илангаяа эдэбхитэйгээр хабаадаа. Байгаали тухай эрдэм мэдэсэ дэлгэрүүлгэ тон шухала гэшэ. Илангаяа нөөсөнүүдыень ашагтайгаар хэрэглэхэ асуудал хурсаар табигдаха ёһотой. Манай шалгалтануудай дүнгөөр хургуулинуудта байгаааида дуратайгаар хүмүүжүүлхэ хүдэмэри урагшатай ябуулагдадаг наа, хүүгэдэй ясли, саадуудта горитой анхарал хандуулагданагүй. Иимэ байдалда анхарха шухала.

Республикын дээдэ хургуулинуудта экологическа түбүүд урагшатай хүдэлнэ. Жэшээлбэл, хүдөө ажахын академин студенческодружина жэл бүри Байгалай мультхоөр рейд үнгэргэдэг юм. Үнгэрһэн хабар эдэнэр Баргажанай заповеднигхэ Хилмын Хушуун хүрэтэр аяншалхандаа, хулгайгаар загана агнагшадые барихан, шэнгэн түлишоор уһа бузарлалгы хэргылхэ талаар хүдэмэри ябуулхан байна.

Олондо мэдээсэл тараадаг хэрэгсэлүүд, онсолбол, Хяагтын

"Ленинское знамя", Загарайн "Вперед", Түхэнэй "Саяны", "Мухар-Шэбэрэй "Ленинский путь", Хориин "Удинская новь" газетэнүүд урданайхиһаа үсөөн гарадаг болооше наа, байгаали хамгаалха асуудалнуудта материалнуудые толилолодо онсо анхардаг юм. Гэбэшье Яруунын, Баунтын, Хурамхаанай, Кабанскын, Баргажанай, Сэлэнгын районуудай газетэнүүд экологиин асуудалаар юу толиложэ байһан тухайгаа мэдэхээ болёо. Эдэ газетэнүүдтэ бүлгэмэй районно соведууд анхаралаа хандуула ёһотой гээд ханагдана.

Районно соведуудтэй дэргэдэ лекторнүүдэй бүлэгүүд хүдэлдэг юм. Багшанар, үйлдэбэрийн халбаринуудай мэргэжэлтэд бүридэлдэн оролсодог. Лесхозуудай, заганай инспекцинүүдэй, санэидстанцинуудай түлөөлэгшэд хүн зоной дунда ойлууламжын хүдэмэри ябуулдаг. Гэбэшье бүлгэмэй жэлнүүдтэ иимэ арга эрид нуларла. Мүнөө район бүхэндэ оройдоол 20 лекци жэлдэ уншагдана. Радио, телевидениин арга боломжо гүйсэд хэрэглэгдэнэгүй. Энэ жэлдэ телевиденээр агнууриин нөөсөнүүдые зүбөөр ашаглаха талаар управлениин начальник В.Носков гурба дахин үгэ хэлээ. Саашадаа Байгал нуур шадарай баялигы аршаан хамгаалгада зониие элсүүлхын тула телевиденээр олон дамжуулга хэхэ хэрэгтэй.

Эхэ байгаалия тэрэ зандань үлөөхэ тухай асуудалнууд сооһоо газарай гүн нөөсөнүүдые хамгаалгада онсо анхармаар. Юуб гэхэдэ, хэбтэһэнүүдые ашаглаһанай удаа газараа урданайн түхэлдэ оруулха, түүхэй эд комплексноор хэрэглэхэ гурум сахигданагүй. Тиймэхээ районно соведууд

газарай гүн нөөсэ ашаглаха талаар өөһэдн секцинүүдтэй байха зэргэтэй. Нүүлэй үедэ колхоз, совхозууд, фермерскэ ажахынууд газарай хүрһэ гамнан арьбajuулаха хүдэмэриэ хэдэ дахин хороогоо.

Бүлгэмэй зарим соведууд хаангалтагүй хүдэлөө гээд тэмдэглэмээр. Тэрэ тоодо Кабанскын, Прибайкалин, Музын соведууды нэрлэмээр. Зэдын, Захааминай, Мухар-Шэбэрэй, Түхэнэй районуудта энэ талаар ажал ябуулха харюусалгата тушаалтад таарамжатайгаар томилодоогүй, тиймэхэ ажал ябуулганы эдэбхитэй гэһын аргагүй. Жэлэй эхинһэ юһэн нарын туршада оройдоол 31 миллион түхэриг взнос суглуулагдаа. Харин сметын ёһоор, 100 миллион түхэриг оруулагдаха ёһотой хэн. Экономическа байдалай хаа яагүй хэды орёоше наа, взнос суглуулга ондо ондоо юм. Жэшээлбэл, Хяагтын районно соведэй олзо оруулха талаар даабаряа бэелүүлээ наань, хүршэ Зэдын, Сэлэнгын райсоведууд энээнэ бэелүүлэггүй. Загарайнхид сүм суглуулжа тушаана, харин хориинхид гурбан жэлэй туршада түхэригыне оруулнагүй.

Саашадаа районно соведууд эхин эмхинүүдые хүтэлбэригыне шагналдаха үүсхэлшэ хүнүүдые түрүүлэгшээр томилхо зэргэтэй. Хамтын ба хубийн взносуудые оруулһанай ашаар 1996 онийе олзын смет дүүргэлтэтэйгээр түгэсэхэ шухала. Байгаали хамгаалха тушаа гүрэн түрын зүгһөө абтаһан документүүдые олонийтэдэ ойлуулха хэрэгтэй.

В. НЕУСТРОЕВ,
республикын байгаали хамгаалха бүлгэмэй соведэй ахамад мэргэжэлтэн.

ЭРШЭТЭ ДОЛГИНИНЬ ЭБХЭРНЭЭР ЛЭ...

екин хада хабсагайнүүд ташаланууднаа бууһан гол горхонуудай уһаар Боолон Түмэр арна. Зунай үедэ хадануудай мүйлһэнэй хайлахада хуря бороогой орходо, нуурнуудай уһан нэмэнэ, суурай болоходо хороно. Тиймэхэ Баргажан аударха, үргэдэхэн Боолон Түмэрһөө эхитэй. болон Баргажан хадануудай холболдохон үүдые нэтэлжэ, Баргажан гол Байгал далайда модонной зайе дабан шудхана. Тийгэжэ Байгал нэмэри болон ородог уһанай 12 процентин мүн гэжэ эрдэмтэдэй багсаамжалан хэлээшэ. Голы үргэниин зарим газарта 360 метрхэ тээгын 5-6 метр болошодог.

Баргажан гол Хурамхаанай, Баргажанай аймагуудта ажахын талаар аша тухатай юм. Зорино нууриин шэнгэн түлишэ баржаар зөөгдэнэ. Урда тээ Могойтотосхон хүрэтэр пароходоор аймагай эдэе хоол, бэшэшэ эд бараан зөөгдэдэг байгаа. Автомашинаар зөөһэндэ орходоо гарганһань арба дахин хямда болоно. Мүнөөнэй сагта руу бэшэ, Хурамхаан хүрэтэр энэ хэрэгые тэн шухала гэжэ ханагдана.

Баргажан голы зушан, Уланхаанай, Дэрээнэй, Хурамхаанай, Мүргэнэй, Ленинэй, Хилганын, Байн-Голой, Бодоной ажахынуудай 100 гаран гүүртэ, отаранууд үбэлдөө байрладаг. онуудаар колхоз, совхозуудай ферма, отаранууд гүнзэгы худагууд үрэмдэгдэдэг хэн. Мүнөө жэлдэ, үлэхэн худагууд зайн галай үнэтэй онгоо ашаглагданагүй. Тиймэхэ малай галын үедэ Баргажан гол дээр мал уһалха

соолгоноуд гаргагдадаг юм. Гэбэшье малаа уһалхада, соолго шадархиюе бузарлахагүй шухала. Энэ талаар аймагай санитарна байдал сахиха болон байгаали аршалха талаарууд ехээн үүргэ дүүргэхэ уялгатай.

Модо отолонһоо боложо, Баргажанда шудхадаг Улгана, Гаарга, Аргата, Шаманка, Борогол, Онёо гэһэн томонууд горхонуудай уһан хахадтаа орошоо. Мүнөө Гаарга гү, али Онёодо оломынь бэдэрэнгүй, хаагуурынньше сэхэ оймоод гарахаар болошоо. Баргажанай эрьээр, тэрэнэй халаа горхонуудаар модо отололго отго хоригдохо ёһотой. Ой моды хэргэжэ, модо тариха талаар тусгаар программа табигдаха зэргэтэй. Урдань колхоз, совхозуудай байһан ой тайгые гурумшуулаха; эзэдтэй болгохо хэрэгтэй.

Хүдөө шотагуудаар болодог ой тайгын түймэрнүүдэй 90 процент хагда галданһаа болоно. Хабаргаа хагда галдахада, шубуудай уурхайнууды, шумуулнууды хэды ехээр хюдана гэшэбибди. Хүдөөгэй захиргаануудта, сомоной Соведуудтэ, тосхон бүхэндэ экологическа карта зохёогдохо ёһотой. Тус карта соо малай бэлшээр, модо отололгон, гол горхонууды сэрбэрлэхэ, бог шорой хаяха газар олохо, модо тарилга болон шотаг нууринуудай сэрбэ байдэлые сахилга ородог бшуу. хургуулинуудай үхибүүдээр горхонууды, нууриууды сэрбэрлүүлхэдэ, мүнгэ зөөри хэрэгтэй бэшэ. Жэшэнь, Швейцарида гол мүрэнүүдэй 90 процент жэл бүри сэрбэрлэгдэнэ бшуу.

Буряаднууд уһанһаа холохон ехэнхидэ ажаһууна. Юуб гэхэдэ, уһа бузарлаха гэшэ нүгэлдэ тоологдоно бшуу. Багаһаамнай хойшо бахатайгаар дууддаг бахын дуун жэлһэ жэлдэ эсөөрнэ.

Лесхозуудта биотехническэ хүдэмэри мартагданхай. Модо үбшэнһөө хэргылхэ хүдэмэри хараалагдаханы болёо. Газарай хүрһэн, сабшалан, нуга бэлшээрй найжаруулха габшагай наранууд үнгэргэдэнэ. Тийбэшье нүлөөниинь бага байһаар.

Байгал далайн ариг сэрбэр байлга Баргажан голһоо бага бэшээр дулдыдана гэжэ найса ойлонобди. Тиймэхэ үхибүүдхэ эхилээд үндэр наһатай үбгэд, хүгшэд хүрэтэр али болохо аргаараа Баргажан голоо арналха, гамнаха, арьбалха уялгаяа бэелүүлэ. Энэл ушарта эршэтэ долгинуудын эбхэрһээр, Баргажаниие магтанан дууцууд эдэлһээр байхал.

Вл. БАТОВ,

ЗУРАГ ДЭЭРЭ: Баргажан голы эгсэ эрье.



